

मप॒ज्ञय॑त्ये॒वं वि॒द्वान्सर्व॑ऽहं हि॒ दे॒वेभ्यो॑ऽन्नाद्यं प्रय॒हति॑ क॒स्मात्तानि॑ न॒ क्षीय॑न्तेऽद्य॒-  
मानानि॑ सर्व॒देति॑ ॥ ६ ॥ पुरु॑षो वाऽअ॒क्षितिः॑ । स॒ ह्रीद॑मन्नं पुनः-पुन॑र्जन॒यते॒ यो  
वै ताम॑क्षितिं वे॒देति॑ पुरु॑षो वाऽअ॒क्षितिः॑ स॒ ह्रीद॑मन्नं धिया॒-धिया॑ जन॒यते॒ कर्म॑-  
भिर्य॒द्वैतन्न॑ कुर्यात्क्षी॒येत॒ ह सोऽन्न॑म॒त्ति प्र॒तीके॑नेति॒ मुखं॑ प्र॒तीकं॑ मुखे॒नेत्येतत्स॑  
दे॒वानपि॑ ग॒हति॑ स ऊ॒र्जमु॑पजीवतीति प्रश॑ङ्गा ॥ ७ ॥ त्री॒ण्यात्म॑नेऽकुरु॒तेति॑ । मनो  
वाचं॑ प्राणं॒ तान्या॑त्म॒नेऽकुरु॑तान्यत्रमना अ॒भूवं॑ नादर्श॒मन्यत्र॑मना अ॒भूवं॑ नाश्रौष॒-  
मिति॑ मनसा॒ ह्येव॑ प॒श्यति॑ मनसा शृ॒णोति॑ ॥ ८ ॥ कामः॑ संक॒ल्पो॑ । विचि॒कित्सा॑  
अ॒द्धाअ॒द्धा धृति॑र॒धृतिर्द्धि॑र्धिर्भिरित्येतत्सर्वं॑ मन॒ एव॑ त॒स्मादपि॑ पृ॒ष्ठत॑ उप॒स्पृष्टो  
मनसा॑ वि॒ज्ञाना॑ति ॥ ९ ॥ यः कश्च॑ शब्दो । वा॒गेव॑ सैषा ह्य॒न्तमा॑य॒तैषा हि॑ न  
प्रा॒णोऽपा॒नो व्या॒न उ॒दानः॑ स॒मानोऽन॑ इत्येतत्सर्वं॑ प्राण॒ एवैत॑न्म॒यो वाऽअय॑-  
मात्मा॒ वाङ्मयो॑ मनो॒मयः॑ प्राण॒मयः॑ ॥ १० ॥ त्रयो॑ लोका॒ एत॑ऽएव । वा॒गेवायं॑  
लोको॑ मनोऽन्तरि॒क्षलो॒कः प्रा॒णोऽसौ॑ लो॒कः ॥ ११ ॥ त्रयो॑ वे॒दा एत॑ऽएव । वा॒-  
गेव॑ऽर्वेदो॑ मनो॒ यजुर्वेदः॑ प्राणः॒ सामवेदः॑ ॥ १२ ॥ दे॒वाः पि॒तरो॑ मनु॒ष्या एत॑ऽएव  
। वा॒गेव॑ दे॒वा मनः॑ पि॒तरः॑ प्रा॒णो मनु॒ष्याः ॥ १३ ॥ पि॒ता मा॒ता प्र॒जैत॑ऽएव । मन॒  
एव॑ पि॒ता वा॒ञ्जाता॑ प्राणः॒ प्रजा॑ ॥ १४ ॥ वि॒ज्ञातं॑ वि॒जिज्ञा॑स्यम् । अ॒विज्ञा॑तमेत॑ऽएव  
यत्किं॑ च वि॒ज्ञातं॑ वाचस्त॒द्रूपं॑ वाग्धि॒ वि॒ज्ञाता॑ वा॒गेन॑ त॒द्भूत्वा॑वति ॥ १५ ॥ यत्किं॑  
च वि॒जिज्ञा॑स्यम् । मन॒सस्त॒द्रूपं॑ मनो॒ हि वि॒जिज्ञा॑स्यं मन॒ एव॑ त॒द्भूत्वा॑वति ॥ १६ ॥  
यत्किं॑ चा॒विज्ञा॑तम् । प्रा॒णस्य॑ त॒द्रूपं॑ प्रा॒णो ह्य॒विज्ञा॑तः प्राण॒ एव॑ त॒द्भूत्वा॑वति  
॥ १७ ॥ त॒स्यै वाचः॑ पृथि॒वी श॒रीरम्॑ । ज्योती॑ रूप॒मय॑मग्निस्तद्याव॒त्येव॑ वाक्ता॒वती॑  
पृथि॒वी ता॒वान॑य॒मग्निः॑ ॥ १८ ॥ अथै॒तस्य॑ मन॒सो । द्यौः श॒रीरं॑ ज्योती॑ रूप॒मसा॒-  
वादि॑त्यस्तद्याव॒देव॑ मन॒स्ता॒वती॑ द्यौस्ता॒वानसा॒वादि॑त्यस्तौ॒ मिथ॑न॒ऽसमै॑तां ततः  
प्रा॒णोऽजा॑यत स इ॒न्द्रः स॒ एषोऽस॑प॒त्नो द्वि॒तीयो॑ वै स॒प॒त्नो ना॑स्य स॒प॒त्नो भ॑वति